

筆記小說大觀

集

毛祥麟著

墨餘錄中

進步書局校印

平定縣志

卷之五

藝文志

對山書屋墨餘錄卷二目錄

梨雲堂

奕藝

壬寅避寇小志

記癸丑滬陷時事

溫林氏

姚蒙

楠木棺

戶捐

湯念齋

某公子

平原聞詩記

織燈

嚴氏五雄

矮子墳

萬鍾

鮑老國

陶趙易子

詩佞

與袁綺香談醫

冊歸記

嘉定朱氏竹刻記

某先達

加廣學額

蒲包仙

傅善祥

九妹

趙碧孃

古墓

黃道婆祠

巫覡

小毛虫

說夢二則

寶塔二則

周立五

廟刀滴血

雷破邪法

避禍遇禍

李紹熙

金銀鑛

廟園記

王陞彥

清徹

均田

吳農部

熊督學

科試軋斃

陸文定兩木主

華邑雨命案

黃葵初

陳眉公

黑白傳

雙真記

教子升天杯

南花小史

羣芳榜

館師念舊

范文石

壙屬朱姓

呂州判女

葛將軍

逆祠

顧玉川

駱學院

方守捐田助役判

李中梓

玉蟹橋

北城觀西戲記

對山書屋墨餘錄卷二目錄終

對山書屋墨餘錄卷二

對山書屋原著

梨雲堂

道光辛丑春海疆多警。因特卜居泖濱。賃數椽家焉。中有堂。取王建詩意。顏曰梨雲堂。之陽植梅數十本。花時紙牕四闕。一室香流。堂後為書葉軒。修竹萬竿。綠陰蔽日。西偏近寢室。得隙地畝許。雜種櫻桃。銀杏。丹桂。石榴。紫薇。山茶之屬。復得一溪。傍有柳株。大可數圍。云係宋時物。左為塢花。品羅四季。長紅。小白。色香既備。濃淡皆宜。花時隣家婦女。時來採折。亦不之禁。西行數武。清泉暗流。度小橋。則寒松春韭。按時蔬味在焉。溪水迴環。草堂寂靜。自讀書作畫之外。高枕而已。主人陶姓。守園其號也。嗜杯酌。喜交游。每當春秋佳日。招集賓朋。品花小飲。余亦與焉。守園了解吟詠。而好強人作詩。得句必糊之壁間。中有余句云。數點青山近水涯。綠楊深鎖野人家。小橋半日無人過。啼鳥一聲日已斜。曉雨絲絲鴈亂啼。春殘庭院落辛夷。山齋獨坐無聊甚。淡墨疎林學畫倪。又和陸春沂茂才六言二首云。修竹千竿繞屋。晨晞時上紗牕。自婦一庭落葉。呼童敲火烹茶。午睡醒來無事。攜筇漫步前溪。偶遇隣翁。閒話夕陽已過橋西。嘗自寫村居圖。橫幅題云。乍晴乍雨熟梅天。草色苔痕亦可憐。幾日不曾出。

門去秧田新綠嫩如煙。新得村居傍水溪。一園鮮果半蔬畦。老妻拋却女紅事。春作鹽梅冬作齏。又贈守園竹枝詞十二首。尚憶其二云。閭板橋頭日乍曛。東村買酒到西村。市人識得田家器。一樣青錢滿幾分。草堂寂寂竹門斜。客至呼童翦韭芽。烹得鮮魚午飯熟。開鍋香味到隣家。余居陶氏年餘。吟咏頗多。錄此數首。聊識村居樂事云爾。

兩蒼氏曰。隨處行樂。瀟灑自如。詩亦有山林氣。觀者可想見其人也。

弈藝

乾嘉時。朝貴盛行弈藝。以此四方善弈士咸集京師。而以海甯范西屏世勲為巨擘。有先范得名者黃某。久游公卿間。稱國手。年亦倍長於范。及范入都。黃與角藝。卒死范手。於是慕范者未嘗不惜黃。而不知其中自有天焉。先是富春韓生館某部郎家。韓本善弈。而人莫知。一日部郎邀黃弈。韓作壁上觀。局竟。謂部郎曰。黃君弈雖名盛一時。而自我觀之。其於攻守之法。猶未盡然。誰謂無可敵者。部郎乃復邀黃。與韓對弈。黃見韓年少。意甚輕之。及布局。覺有異。即極力防拒。而輒為所窘。黃或乘間出奇。韓則信手以應。不費思索。竟三局。黃三北焉。遂推枰起曰。今余適發隱疾。越日當與君決勝負耳。嗣是黃名稍遜。而韓技亦有知者。有某王亦精此藝。聞韓名。召與弈。自晨至日中。連和二枰。末局韓負半子。蓋應召時。使者以王好勝。

為囑韓欲博王懽而又不墜已名故於進退間分毫不失如此然其心力之勤恰過常局數倍矣時黃已偵知其故韓出即要於途曰今日願與君畢其所長韓苦辭不可乃勉與弈及爭一角韓反復凝思卒不能應黃以冷語迫之韓神色頓異遽噴血數升而絕越後二十餘年而黃為范乘若相報復焉相傳范甫垂髫已精十訣名聞江左入都時黃猶在諸鉅公設彩邀二人一爭其勝局未分亦以一角決上下范見黃握子不落曰先生殆不欲戰乎黃忽變色曰孽也天奪我矣又何爭為方推枰起遽倒地死有知前事者謂韓死而范生約計歲月既符所爭局又與前無異天奪之語信非無自爾後范名愈盛無與爭者惟同里施襄夏稱亞嘉慶初范曾來滬時我邑倪克讓弈品居第一次如富嘉祿等數人皆精其技惟倪不屑屑與人弈富等則恆設局豫園招四方弈客以逐利范初至局觀人弈見一客將負為指隙處眾艷然曰此係博采者豈容多語君既善此何不一角勝負范曰諾眾請出注范於懷中出大鎰曰以此作彩可乎眾豔其金爭來就范曰余亦不禁人言君等可俱來耳枰未半而眾已無所措手乃急報富富入局請以三先讓富竟負局請再讓又負眾遂走告倪倪至亂其枰曰此范先生也君等何可與敵少頃事徧傳邑富室貴金延范榻西倉橋潘宅而請與倪弈范讓倪四子觀者按局成圖名四子譜即今所稱桃花泉者是也

兩蒼氏曰。弈之攻圍截劫。託始縱橫家。惟以機心行機事。故以藝死者亦不數聞。西屏晚年仙曾與弈。以此亦以嘔血死。不若余之八字棋。經曰。勝固欣然。負亦可喜。為受用也。

壬寅避寇小志

國家承平日久。區宇又安。幾不識兵革。我滬瀕海。尤歌樂利。紅羊遺劫。近在癸丑辛酉。實於道光壬寅夏。波臣阻命。為邑被兵之始。亦即民人轉徙之始。時余挈眷避城南漕河廟西之家祠中。去城二十里。祠頗寬敞。親眷之依倚者。幾數十家。故雖無甚輜重。而物以聚而見多。箱籠器用。絡繹道上。頗動人目。十一日邑治告陷。印官既去。土寇乃聚。風聲竊唳。聞者皆有戒心。余遂囑諸親友。各埋重物。先奉母避墳丁家。越夕。遠聞人聲四嘯而至。舉室震懼。無人色。余急揮婦女嬰孩。去避鄰屋。閉門滅火。以所居東有溪阻。賊必自西破屋壁入。乃密令僕輩械聚西室。各以棒擊地。囑親屬數十人。散伏溪南林木深處。約聞呼聲。即羣應。布置甫定。賊已虜至。飛磚石如雨。果作勢欲破西壁。聞內相擊聲甚厲。疑不敢遽。值余又出溪北呼救。溪南遙應者。人聲四沸。匪徒聞之。相顧錯愕。謂有救至。遂各棄械遁。時眾咸咸相慶。余曰。未也是為幸免。如復至。何此地不可居矣。眾見余去。復欲同遷。余止之曰。我家猶射之的耳。余既去。諸君居此。當無害。遂移至南翔。南翔地處衝要。市恆鳴鑼聚眾。盤詰過客。指閩粵人為

漢奸余以其屢有擒殺慮非善地居數日猛思得一友在吳江之同里鎮擬往依焉道經青浦晚泊森塔鎮登岸散步遇一丈人於油車門首問余何來今將安往余告之故翁曰此間近多盜子去必為所劫余曰此內地耳數里一鎮無大河巨港盜徒從何來翁曰此皆地方無賴中多蘆墟人向為篙工今蓋乘亂搶劫非真盜也時余所坐舟亦蘆墟者駕長柁陸某既回舟急告之曰汝知此間各港口多近搶奪乎聞多汝鄉操舟人失業聚黨事非得已然在我豈能無備茲擬另顧一舟招十餘人護送又必擇一二熟識鄉人衆所素服者以為率辛工船價固勿論之汝其為我謀之陸曰諾次蚤余復登岸見鎮中市賣頗盛魚鮮蔬果羅列滿街復遇丈人於途曰子不去幸甚聞今蚤被劫者四舟雖柴船亦遭焚掠市中買物人半為匪謀子其慎之無輕動也余亟謝別及回船而陸亦返所雇一舟備緩急者僅四人索酬又不過三金余曰值固廉矣人何少也內一四十許人體瘦身長藍布帕首緊袖短衫者應曰奚多為亦視隨機應變者何如耳且就多論數以百計至矣然猶彼衆我寡也奚多為余奇其言因問汝於鄉人多熟識否曰我在鎮開飯店十餘年鄉人無不識者余曰信如是之以折衝雖不足作為鄉導已有餘時方近午即連所僱船同時開放離鎮將十里瞥見蘆葦中小舟如蟻船各三四人手執鐵叉木篙飛棹而來高唱落蓬捷如鷹削轉瞬已近余問

何為曰查驗禁物。余曰盤查客船是地方專責。然我前後共有四船。俟喚齊任看。未幾前後船齊泊一處。余顧護送者低語曰。事急矣。將何如。藍帕首者曰。有我在。可無怖。雖然。事如得已。我亦善刀而藏耳。子姑以言飭之乎。余問汝曾言熟識鄉人。內有知名者否。曰甚多。即指一舟曰。此羅氏兄弟也。日游鎮上。其家離此纔七八里耳。語次。群猾齊躍上我船。令出眷口。將欲入艙行劫。余因大言曰。爾等亦識我否。我某翁。戚在某車。已二十年矣。近地之人。我無不識。即如羅氏弟兄。來鎮無虛日。亦應知車中素無禁物。且此距羅宅僅七八里。必欲搜查。何妨移舟至彼。聽爾等細檢。即明日開行亦得。但鎮人與鄉人猶指臂然。鎮有事。必勞鄉人匡助。鄉有事。亦須鎮人為之掩飾。今舟中眷屬皆我車主親戚。向在上海。現以避難來鎮。特俛余送至蘇州。非過客商船而有物色者也。言訖。即索鑰隨手開一箱。皆尋常所穿布衣。盡出之。以示無物。眾曰。既係車中船。何必查看。且某翁長者。倘鄉間有事。必賴以周旋也。遂各拱手回舟。打槳四散。噫。是役也。挈家資眷屬倉皇避難。出險入險。卒無所失。是亦幸矣。爰志數行。以自慶云。

雨蒼氏曰。臨機應變。具見幹才。此當世智囊也。固知有文事者。必有武備。

記癸丑滬陷時事

滬城自壬寅之亂。越十年。至咸豐癸丑。而又有會匪嘯聚之事。蓋當洪楊之取金陵也。大江以南。岌焉如不終日。時以向軍門榮調軍援救。需餉殷繁。蘇撫飭府札縣籌備。大營軍帑。署令又村袁公設局。樂珠書院。延邑紳襄辦。余以病辭。勿允。因亦從事。復諭各段董。徧開富戶姓名。但有蓄積者。雖小鋪亦無不與。先是青浦土豪周列春。抗漕聚衆。鄉人既多附和。隣邑亦有響應。以至官不敢捕。我邑本多閩廣流民。至是因招勇巡防。諸無賴蟻聚。日衆。遂立小刀會名目。洎聞金陵告陷。益蠢蠢思動。時余以各捐戶俱以現銀繳局。數雖未集。已有七八萬之多。覩此時艱。因特請於袁公。令捐主各出會票。俟營員提餉時。集銀面繳。庶無他慮。公聞極以為善。然章甫改而變。已作矣。七月晦壬申。嘉定變起。首事即周列春。八月三日。袁公至局。論嘉定失守事。余曰。嘉定本無防兵。何云失守。賊蓋竊據之耳。頃據探報。言賊閉各門。登城自保。城外恰無一賊。鄉里得安耕作。可見賊本無多。第望鄰邑起事。以為應。是宜亟稟撫憲。請發標兵剿之。誠得精騎數百。付善將者。一鼓可走。嘉定既定。餘黨自不敢妄動。我滬或可紓憂。然兵貴神速。事在今明。遲則無濟矣。袁公以為然。回署即擬稟飛遞。初四日。丙子。余晨起赴局。同事寥寥。僅有數人。飯後即散。見道路紛紛有遷徙出城者。有聚而私語者。傍晚有友數輩。過余齋。皆憂形於色。蓋聞匪徒以紅巾為號。肆中紅布收買已空。變在旦夕也。

乃各計議。或謂賊無大志。飽掠即去。宜固守田廬。或恐賊竟踞城。閉不得脫。因擬連夜出城。漏已二下。尚嘵嘵不去。亦終不決。余曰。賊勢潛滋。暗長已非一日。雖無巢穴。而市廛鄉曲。皆其部居。義勇民團。都結心腹。官懦賊強。不亂不已。勢至此。已無萬全策。若為一身計。須靜以待之。不宜未亂先亂。以自取禍。衆猶以變乘倉猝。不得身脫為慮。余曰。賊所忌者官府。亂必先犯衙署。所利者財貨。劫必先入富家。豈遽及於我輩乎。衆始慰散。余方就寢。復聞扣門聲。甚急。啟之。某戚也。面津津流汗。氣喘口吃。語幾不辨。細審之以聞。今晚四鼓。匪定起事。諸門一閉。礙難出入。擬即挈眷出城。特急報知。以決去住耳。余曰。果如是。此時三更。將盡黨。縱方張。使出而即觸其鋒。豈能無慮。我意且待明日。並囑其慎勿亂言。惑衆戚去。遂就寢。略入睡。鄉驟為呼聲驚醒。急起問之。悉賊衆已於黎明時入城。戕官劫獄。勢成騎虎矣。是為丁丑日。余即至捐局。將所有捐票冊籍盡焚之。慮入賊手得按戶誅求也。時賊分掠各署。六門洞開。不禁出入。余見賊尚無主。聚散未定。擬暫留以觀其變。遂喚肩輿先令眷口出城。暫避華涇鎮友人劉海樓茂才家。隨身不令攜帶一物。恐以財賈禍也。時左右僅留一僕。是晚登樓。悵望見星月交映。四野寂然。既無火光。亦不聞更鼓。意頗沮然。因姑就寢。明晨出探。始知賊首為粵人劉麗川。匪黨推戴已定。分門而守。聞東西北三門已閉。余知賊無去志。遂決意出。

城便道至郁泰峰松年家詢其行止。彼以事多未了。且痛棄兄之柩。余曰：君饒於財。賊必以爲奇貨。夫人之所戀者身家也。若去則家雖破而身可留。不去一家既罄而身亦繼。以此論之。去留不難立決。如云兄柩不忍棄。此爲小義。智者勿拘焉。彼猶遲疑。余遂出。途遇張錫麒。茂才。方從南門來。言門雖未閉。而有賊露刃以守。余曰：時尚可出。君何不去？張曰：城中富室皆未遷避。我輩暫留何害？並聞人言門貼紅英金蘭四字。賊即不擾。出入鈕繫紅布一條。即勿詰。余曰：此賊惑人之言也。門貼云云。若果真耶。則必與之拜盟。否則必以汝爲假冒。勒詐在所不免。且賊已踞城。此地即爲賊窟。我輩與賊同處。賊縱不擾他日。將何以自明？君有七旬老母在。倘以逼處之故。驚憂致病。咎將誰歸？又係寒士。無蓄積。坐困危城。必至乏食。出城或有生機。慎勿爲浮言所惑。張曰：出無依棲。可奈何？余曰：我之眷屬現避華涇。兄弟奉母至彼。余亦即刻出城矣。遂別。余歸。囑僕暫守所居。曰：錢米等物俱在。任汝食用。倘賊來擄。即委去。如聞兵至。賊必閉城。可速來鄉也。乃至大南門。見已閉。聞小南門尚開。遂自小南門出。見守門賊二三十人。並不查問。既出城。即喚轎至華涇寓所。然一身所攜僅十餘金。賃屋置器。轉眼已盡。遂以醫爲糊口計。旬日間求治者遠近二三十里。中踵相接。一家十餘口得藉以無恐。憶昔海疆之變。寓居吳江。亦以醫行。蘇郡所獲頗厚。益信諺所謂人有一技。可保終身者。良不